

bellis, quos de contemnenda gloria scribunt, nomen suum inscribunt, & in eo ipso, in quo prædicationem, nobilitatemque despiciunt, prædicari se & nominari volunt.

Quemadmodum vero iusta Gloria, veræ virtutis fructus honestissimus, à nemine facile repudiandus, nisi ab animo levi, lucem splendoremque fugiente: ita contra turpe est, & maximæ levitatis, inanem vulgi aucupari rumorem, & omnes umbras falsæ etiam gloriæ consecrari. Turpius est, fucatæ etiam, gloriæ dulcedine nimis commotum, ex aliorum laboribus futilem sui nominis memoriam quærere. Turpissimum vero omnium hoc est, nihil dignum laude præstitisse unquam, alienis tamen laboribus invidere, eosdemque à doctis ac probis viris probari molestè ferre, quin omnibus viribus industriam aliorum, virtutem, depressam extinctamque; quam flagitiosissime velle, vana saltem vanæ gloriolæ cujusdam spe. Quemadmodum enim in pulcherrimo corpore nævus una cum illo adoles-

les -